

զանուն գերազատիւ Մկրտիչ Արքեպիսկոպոսի ցուցանել յօրագիրս բացակայ ցվերադարձն:

ԽԱՌՆ ԼՈՒՐՆԵՐ.

Գերմանական մի լրագրում դպրոցների և աշակերտների յետագայ վիճակագրական տեղեկութիւններ հրատարակւած էին, համեմատելով նոցա թիւը զանազան եվրոպական տէրութիւնների բնակիչների հետ: Գերմանիայում 42 միլիոն բնակիչներ կան, 60 հազար դպրոցներ և 6 միլիոն աշակերտներ: Ուրեմն միջին թուով իւրաքանչիւր դպրոցին 100 աշակերտ կընկնէ: Դպրոցների վերայ իւրաքանչիւր բնակիչը կ'ծախսէ 80 կոպէկ: Անգլիայում 34 միլիոն բնակիչներ կան, 58 հազար դպրոցներ և 3 միլիոն աշակերտներ:—ուրեմն 52 աշակերտ կընկնէ իւրաքանչիւր դպրոցին և իւրաքանչիւր բնակչին 50 կոպ. ծախս: Ավստրիայում 37 միլիոն բնակիչներ կան, 30 հազար դպրոցներ և 3 միլիոն աշակերտներ:—ուստի 104 աշակերտ իւրաքանչիւր դպրոցում, և իւրաքանչիւր բնակչին կընկնէ 45 կոպէկ ծախս: Ֆրանսիայում 37 միլիոն բնակիչներ կան, 71 հազար դպրոցներ և 4 միլիոն 700 հազար աշակերտներ:—ուրեմն 66 աշակերտ իւրաքանչիւր դպրոցում և իւրաքանչիւր բնակչին կընկնէ 40 կոպ. ծախս: Իսպանիայում 17 միլիոն բնակիչների համար կան 29 հազար դպրոցներ, 1 միլիոն 600 հազար աշակերտներ:—56 աշակերտ իւրաքանչիւր դպրոցում, և իւրաքանչիւր բնակչին կընկնէ 36 կոպ. ծախս: Իտալիայում 28 միլիոն բնակիչների համար կան 47 հազար դպրոցներ և 1 միլիոն 200 հազար աշակերտներ:—40 աշակերտ իւրաքանչիւր դպրոցում, և իւրաքանչիւր բնակչին 22 կոպ. ծախս կընկնէ: Ռուսիայում 84 միլիոն բնակիչների համար կան 32 հազար դպրոցներ և 1 միլիոն աշակերտներ:—36 աշակերտ իւրաքանչիւր դպրոցում, և իւրաքանչիւր բնակչին կընկնէ 7 $\frac{1}{4}$ կոպ. ծախս:

Մեր թեմական վերատեսուէչների հաշիւներից, որ պարտաւոր են նոքա ամէնքը շուտ ներկայացնել Սինօլին, մենք կարօղ ենք, յետագայ ամատարակներում հրատարակելով, մակարերել թէ ի՞նչ յարաբերութիւն կայ Հայերի թուի, նոցա ունեցած դպրոցների և իւրաքանչիւրին հասնող ծախսի մէջ:

Պետերբուրգի Մարդասիրական ընկերութիւնը իւր բարեգործական գումարներէն օգոստոս ամսում ծախսել է զանազան բարեգործական ձեռնարկութիւնների և գործերի վերայ 23,884 ման. 25 կոպ:

Ռուսիայում կան 4 լավրա (միտրօպօլիտների անմիջական տնօրէնութեան ներքոյ գտնւող վանքեր), 7 ստաւրօպօլիտական վանք (սինօլի անմիջական տնօրէնութեան ներքոյ գտնւող), 193 արական վանք և 96 իգական վանք:—բոլորը 305 վանք, որոնց պահպանութեան համար, բացի նոյն ինքն վանքերի ահագին եկամուտներից, արքունի գանձարանը կ'ըծարէ տարեկան 430,000 մանէթ, և արական վանքերն աւելի կ'ծախսեն համեմատաբար քան թէ իգական վանքերը: